

ЯКСТЕРЬ ГАЛСТУК



94.

11

№

ЯКСТЕРЬ ГАЛСТУК

II
КРАСНЫЙ
ГАЛСТУК



ЖУРНАЛСЬ
ЛИСЕНДИ
4-ЦЕ КИЗОСЬ

№ 11
НОЯБРЬ

1935 г.




Пионеронь и школьниконь эрь
ковонь журнал. Нолдиза: ВЛКСМ-нь
— обкомсь и МАССР-нь НКП сь —

Ответредакторсь С. Б. ЛЕОНТЬЕВ.
Литредакторсь ПЕТР ЛЕВЧАЕВ.
Художниксь МАРЫЖИХИНА.

НОМЕРСА

Л. Н. Толстой — Филиппок	3
Оля и Лена Аросеятне — Инь аф юкставомшка шинея	5
С. Т. Григорьев — „Аф тоза!“	8
П. Клешунов — Сьоксень мелодият	9
Снавня лангса принцесса (йофкст)	10
С. Лариноов — Пионеронь лагерьса	11
Конаков Петя — Калонь кундсема	12
Я. Пинясов — Кал	—
Л. Кассиль — Юмаф класс	13
Я. Пинясов — Сьокси	19
„Кие сяда курок отвечай?“	20

Филиппок



Ульсь цьораня, лемоц сонь ульсь Филипп
Тусть весть шабатне школав, Филиппсь сязове
вазенц и тожа йорась модемс. Но тядяц мярь-
гсь теенза:

— Коза тон, Филиппок, сырхкать?

— Школав.

— Тон нинге йомлат, тят яка.—И тядяц
кадозе сонь куду. Аляц нинге шовдава тусь
вири, тядяц тусь поденнай работас. Илядсть
кудса Филиппоксь, а бабац пянакудланкса.

Филиппкати скучна арась ськамонза. А
бабац матодовсь и сон кармась вешеньдема
вазенц. Соньценнеть изезе му, сязове алянц
ташта вазенц и тусь школав.

Школась ульсь велеть фтала церькавь ваксса.

Мзярда Филиппоксь мольсь эсь слободаснон ланга, пинетне изезь
токсе.

сонь,—синь сонь содазь. Но мзярда соч лиссь ломанень пирьфненьди,
лиссь Жучкась, увазевсь, а Жучкать мельгя оцю пине Волчок.
Филиппоксь тусь ласькозь, пинетне мельганза.

Филиппоксь ушедсь пешкодома, пупырдасть и прась. Лиссь аля,
панезень пинетнень и мярьгсь:

— Коза тон, постреленок, ськамот ласькат?

Филиппоксь мезьгя изь корхта, кочказень полонзон и тусь
ласькозь коза саты виец.

Ласьксь сон школать малас. Креленьця лангса кивок аш, а шко-
ласа, кулеви, унайхть идень вайгяльхне. Филиппкать сязове пелемась: “
Мезь кда учительсь монь паньцаман? И кармась думандама, мезе
теенза тиэмс.

Меки тумс—тага пинесь сифтянза, школав модемс—учительда пели.
Мольсь школать ингельгя ава ведаркань мархта и корхтай:

— Сембе тонафнихть, а тон месьть тяса ашекшнят?

Филиппоксь тусь школав.

Кудингельняса валхтозе вазенц и панжезе кенкшть. Сембе шко-
лась ульсь пшаксе идьта. Сембе ювадькшнеть синьценнеть, и учи-
тельсь якстерь шарфса якась кучкава.

— Тон месьть?—ювадсь сон Филиппокть лангс.

Филиппоксь фатясь вазенцты и мезевок изь корхта.

— Да кият тон?

Филиппоксь изь кашторд.

— Али тон немоять?

Филиппоксь тяфта эводсь, што изь корхтав.

— Ну, так архт куду, кли корхтамс аф йорат.

А Филиппоксь рад ба азомс, да эводемать эзда кргапарьсонза коськсь. Сон варжаксь учительт лангс и аварьгодсь. Эста учительти ужалькс сон арась. Сон вадердазе сонь прянц ланга и кизефте-зень шабатнень, кие тя цьоранясь.

— Тя Филиппоксь, Костюшкать братоц, сэн кунаркиге анай пря школав, да тядяц аф нолнесы сонь, и сон салава сась школав.

— Ну озак эземть ланс братцень ваксс, а мон тонь тядяценди мярьган, штоба сон нолнелензе тонь школав.

Учительсь Филипкати кармась няфнема букват, а Филиппоксь синь содазень ни и аф ламняда морафтома маштсь.

— Ну-ка путк эсь лемцень.

Филиппоксь ась:

— Хве-и-хви, леи-ли, -пеок-пок

Сембе пейдезевсть.

— Молодец!-мярьгсь учительсь,—Кие жа тонь тонафтоньзе морафтома?

Филиппоксь смелкстомсь и мярьгсь:

— Костяшкась, Мон бедоваян, мон сразу сембень шарьхкодине. Мон страсть кодама ловкаян!

Ся пингста сявомок Филиппоксь кармась шабатнень мархта школав якама.



Сьоксень мелодият

Топольсь перяфть фтала
Пиземть ала нюрькси,
Таратканзон квалмос
Кельме путьксне курькснихть.
Олась пиже тусоц
Сидексть йоткса чивгоксть,
Сякокс пяльнесь усат,
Ащесь тундакс живста.
Сьоротне урядафт,
Аньцек вармась вяшки
Урожайсь угадяф
Сонга шнасы тя шить.
Росьне, пинемсь, сурось...
Мазы макське вазьнек,
Ряц урядафт куроц.
Тяни сьоксень праздник.
Паксятне катк картакс
штадсть и рдазуфт китне;
Сякокс сьоронц мархта
Сьокссь кизода питни.

1935 г.

Снавня лангса принцессась.

(ЙОФКС)

Эрьась-ащесь принц. Сон ульсь важнай и гордай и йорась непременно урьвяямс настоящей принцесса лангс. Сон яказе сембе светть и коданга изь му тяфтама принцесса. Принцессада ульсь лама, но ульсть ли синь настоящайхть, тянь сон изь машта решандамс. Тяфтак и мрдась принцсь куду мезьфтемовок и пяк горявась: уж пяк ни сонь мялец ульсь мумс настоящей принцесса.

Весть илять ульсь ужаснай погода: йондолсь таки кфчиесь атямсь торась, а пиземсь каясь, кода ведаркаста; ужас мезь тяфтамсь! Вдруг ошень ортатненьди эрьхтьсть, и сире корольсь лиссь панжема.

Ортатнень ваксса ащесь принцесса.

Мезь лангс сон шавсь! Ведьсь шудесь сонь шяярэнзон и платьянь лангста видеста башмаконзон нярезост и шудесь кочкярянзон эзда, а сон корхтась, што сон настоящей принцесса.

„Тянь минь содасаськ!“ арьсесь сире королевась, но изь аз валга, тусь спальняв. Сон валхтозень вастста сембе тюфякнень и додуфнень и путсь сидяфнень лангс снавня, а снавнять лангс ацась комсь тюфякт да нинге вяръя путсь комсь понацапт (пуховикт).

Тя вастть лангс и матозьпринцессать.

Шоздава сонь кизефтезь, кода сон удось.

— Ах, пяк дурна! — капризнай вайгяльса пшкядсь принцессась. — Веньперьф исть конев сельмене. Шкайсь содасы, кодама монь ульсь вастозе! Мон удонь мезь бди тяфтама калгод лагса, што монь сембе телазе тyani сенем потмоса! Просто ужасна! Тясa и шарьхкодсть, што тя ульсь настоящей принцесса. Сон наверно марязе снавнять нилегемонь тюфяконь ди понацамонь пачк, а тяфтама марайкс мог улемс аныцек настоящей принцессась.

И принцсь урьвяясь сонь лангсонза. Тyani сон ульсь увереннай, што сонь урьвац настоящей принцесса! А снавнять путозь музеи; тоса сон и ащи тя пингс, кда кие-кие изезе сывсонь.

Да, вов кодама ульсь историясь!



ОД СЬОРМАДЫХТЬ

Печатлатама кафта очеркт, конатнень эса од сьормадыхне азондсазь, кода шабатне йотафтозь кизоть.

Пионеронь лагерьса

Пиче вирьть шура вастонянзон пачк шинясь няфнесь сельменц. Частонь стрелкатне кафцьке пцтай ряцок нюрьгсть алу прят. Пингсь кота да пяле.

Тя пингева дежурнай Лидась люпштазе серень сигналть мундштуконц трванзонды.

Тру-ту-ту! тру-ту-ту!..

Башка перьсеф комнататнень эзда фкя-фкянь мельге ласькезь лисендсть радостнай и свежай стирьнят и цьоранят. А минуташкада меле жалнась вирьсь:

Легко на сердце от песни веселой,
Она скучать не дает никогда.
Любят песни деревни и села,
Любят песни большие города.

Кргасост якстерь галстук мархта кодгемень фкя ломань васьф-тезь мази шить пиче-налть потмоса. Синь гайфтсть мороть, кенярдь-кшнесь и налхкесь.

* * *

Кафкса часста колма часс молихть занятия. Шабатнень тонаф-несазь комсомолецне-вожатайсна. А илять кота часса тага морай горнась. Сембе отрядсь стройса. Сурлев Степась арась строить ингели и мярьгсь:

— Огрядонь сборт лувса панчфста.

Сембе озсесь кругс. Васенда азондсть геройхнень колга. Колась азондсь Морозов Павликть колга. Тяда меле сембе моразь Павликть колга мороть. А сембеда меле Нинатъзвенац тиендсь физкультурнай номерхт.

Сборсь аделавсь. Оду гайняй морось:

Тот, кто с песней по жизни шагает, тот никогда и ни где не пропадет..

Морамда меле Сашкась ушедсь гармонияса морама. Шабатне танцовандасть массовой лама танецт.

Потай радостьта пашксе шись. Озадонь седихть, танцти кожфть потмоса удыхть шабатне. А омбоце шовдава лия танецт, лия морот, лия радость.

Цебярь лагерьса эрямась!

С. Ларионов

Ардатово. Пионеронь лагерь.

Калонь кундсема

Кизонь мани ши. Аф шерьхкихть лопанятне. Велеть эса шабатне аноклатама улемнят, улем-илихть, сырхкатама калонь кундсема.

Велеть эзда ляйсь вайгяль педа ламошка. Модем пачк азондомя йофкст. Ванясь азондсь Гулливерть колга. Гулливерсь повондсь лиллипуттнень масторс. А мзярда сась меки, то теенза арам, эсь масторонца эса сембе ульсть лиллипутт. Тонадсь ни стак ваноме.

Шяй-алть эзда няеск, кода работасть алянъке. И пачкодемда ингеле аноклайнек улемнеконь. Пезостповфтамя сукськат, мелавнят.

Васендакиге арамя мельницать фталу. Кулевсь, кода жольки-есть оцю калхне йомланятнень мельгя. Минь ноляськ ни улемнеконь и ащетяма бта вайменьковок аш! учтама, аф-утяй ли поплавоксь.

Монь поплавокозе утясь. Мон изень веронда. И тага утясь да сяда вишкста и сяда алу. Мон учень нинге и кодак нотфтай, ились кядьстон.

— А! Повсь! Повсь! Повсь!

Виде, ускиня илить, улемть эса ульсь оцю кал. Колмошка фунт эсонза! эх и кеняндень эста. И тага сяда курок нолдайна улемть. Думандань, тага пови тяшка. Но изь пов. А ведразень сяка же, хоть сяда йомланяса, но пяшкординя!

Куду самста тага азондомя йофкст.

Анаево
Конаков Петя

Яша Пинясов.

К а л

Якань ляйти, коса калхне
Беряктъ колга сюконяйтъ.
Коса жольняйхть сиянь калхне
Манить утору цельняйхть.

Нолдань ару ведьти улем,
Лавжась ведьнять ланга уйсь.
Нинге йомбланыкс мон кулень:
Улемти аф яци куйсь.

Ащень, ащень, бта кулоф,
Изень корхта фкявок вал,
Но кифчадсь вдруг, кода пула,
Станя повсь пяк оцю кал!

Кие сяда курук отвечай?

Шабат!

Тинь журналонтень ты номеронцы тыльгфтаф
отдел „кие сяда курук отвечай?“ Ты отделсь кар-
май молемя эрь номерса. Сонь эсонза кармайхть
печатлавма интереснай задачат, содама йофкст,
шарадат, ребуст и ст. тов.

Редакциясь кармай надьяма, што тинь кармата-
да кучсемя ответт печатлаф эрь кизефксоньконьди
Отвоньте улихть печатлафт журналть эса.



Кодама ошта кучфт сьорматне?

Ялгазе якась путешествияс. Ки лангста сон куч-
сесь интереснай сьормат. И мзярдовок исце сьор-
мадкшне, кодама ошта кучезе сьормать. Ошть ле-
менц вастс сон сьормадкшнесь стакаста шарьхко-
деви штемпель.

Штемпельть ваномда меле мон яла шарьхкодъ-
кшнень, кодама ошта сась сьормась.

Шарьхкодъсасть ли тинь?



Сембе ширьде вехса

(Йофкссъ) М.Германзононь)



Эрясь-ащесь акша генерал. Пелидонга пели ульсь; кудстонза лисеманц пели. Сонь кудоц ульсь вехса комната мархта. Кучкать эса эрясь сонць, а лия — комнататень эса ваныенза. И макссь сон приказ: Эрь комната са улест колма солдатт.

Комсьнилие солдатт вансть генералть.

Курок солдаттнень мольсь мяльсна ащекшнемс. Мольсь генералти сембеда йожу солдатсь и кизефни:

Ваше превосходительство, мярьгат али аф тейнек фкя-фкянь пiali юргома якамда?

Думандазевсь генералсь.

Пелян, — мярьгсь, — пуруптада фкя вастс, а омбоце вастова сайхть якстерьхне.

— Минь, ваше превосходительство, — пшкядсь солдатсь, — тихтяма ста, што сембе ширьде кармайхть улема вехса солдатт, кода тyani.

— Кда тиеви станя, эста можно якамс. — Мярьгсь генералсь. Веть сон мольсь варжамонза, афкукс ли корхтась солдатсь. Ванозе и лиссь виде: сембе ширьге вехса. А кда азомс прокс



видеть—ниле солдаттне якасть мапаста велес кулхцендома, мезе корхтай народсь Якстерь армиять колга да советтнень колга.

Кода тиезь солдаттне?

Омбоце илядста сембе солдаттне ульсть вастоваст, но тянь инкса, синь ширезост велеста састь колма якстерь армеецт. Синь ащесть стая, штоба солдаттнень йоткса афольхть содав и азондсть Москуть да Буденовскяй коннишать колга.

Мольсь генеральс ваномост и тага лиссь ста, што эрь ширьдя лувсь вехса солдатт.

Кода тиезь тянь?

Колмоце веста велеста састь кафкса инжихть. Генеральс мадомстонза тага ванозе, кода ащихть ваныенза, и няезе, тага сембе ширьдя ульсть-вехса салдатт.

Содасть, кода тиезь тянь?

Велеста сашендыхне арасть мяль мельге солдаттненьди и зняль-годсть, штоба синь сай веста сальхть сядя ломаннест. И састь мянь кимкэфтува ломатьт. Генеральс ванозень комнатагнень.

Тага лиссь: сембе ширеса вехса

Кода тиезь тянь?

Солдаттне кунаракигя шаволезь ни генеральт, но сашендыхне исть мярьгя. Катк акшетне думандайхть, што тяса мезевок аш-Ванды, мярьгсть синь—минь тинь эздонт кототнень сясайнек, а лядыксне жармайхть ащема мянь командироньконь эзда приказонь самс.

Ветеце веста генеральт кота салдатонза тусть якстерь Армияти. Мадомдонза ингеле генеральти тага изь няев.


Эрь ширьде ульсть вехса.

Кода тиезь тянь?

Тя пингева командирть эзда сась приказ:

Тяни акшетнень эзда аф пельхтяма, шавость генеральт, путода мяштезонтт якстерь тяштенят и айда Семен Михайлович Буденнай ти лездема.

И тяса генеральт колга йофксть пец.



*Сьорматнень кучеда тяфтама адрес колга:
Саранск, советская, 52. „Якстерь галстук“*

11741-3

Рамада „ЯКСТЕРЬ ГАЛСТУК“
ЖУРНАЛ


Журналъ нѣтъ:

фкя ковти 20 тр.

кота ковс 1 ц. 20 тр.

фкя казос 2 ц. 40 тр.

Подписать примасы почтаны эрь-
отделенясь и эрь лисьмоносексь.



05

ЯКСТОРЬ

Обязательный экземпляр

ТАЛЫН



№ 12

ДЕКАБРЬ 1935

ЯКСТЕРЬ ГАЛСТУК

||
КРАСНЫЙ
ГАЛСТУК



ЖУРНАЛСЬ
ЛИСЕНДИ
4-ЦЕ КИЗОСЬ

№ 12
ДЕКАБРЬ
1935 г.



Пионеронь и школьниконь эрь
ковонь журнал. Ноддаенза: ВЛКСМ-нь
— Обкомсь и МАССР-нь НКП-сь —

КИЕ МЕЗЕНЬ КОЛГА СЁРМАДЫ:

- Е. Гладков-Ногаев—Содасак ли тон.
Задача.
Виард—Сявась и Екенесь.
Ленина Варшавская—рассказ— „Кода васе-
день Сталин ялгать мархта“.
С. Маршак—Тонь шиця (стихт).
Кода Иван оязорть венеценц салазе =
(народнай азкс).

Редакторсь ВИАРД.

Главлит № 231. Заказ № 534. Тираж 935. Сдано в набор 20/XI—35 г..
подписано к печати 8/II—36 г.

Саранск, тип. „Красный Октябрь МордГИЗ'а

Содасак ли тон

Е. Гладков-Ногаев.

(Сявф „Мурзилка“ журналста)

Мзяра тяшття менельса?

Тяшття пяк лама, но аф сембе тяшттнень минь нйсайнек. Мани веня мзярда менельсь апак вельх-тяк коволса можна няемс тяшття кафта тьожаютт пяле мархтошка. Кда ваномс телескопонь пачка, то тяшття няеви ламода сяда лама. И ков сяда вии телескопсь, то сяда лама тяшття крввязи минь сельме ингельнок. Американской сембеда вии телескопть пачка можна лувомс миллиардошка тяшття (тьожаынь миллиотт). А сембе тяшття сяшкава лама, што и лувомска ашкода.

Мес тяшттня валдт?

Шись пяк валда сяс, мес сон толонь шар. Тяшттня валдт сяс, мес синь стама жа толонь шархт, кода и шись. Но тяшттня минь эз донох ащихть пяк ичкозе сяс синь тейнек и няевихть вельф ёмляяста

Кой-кона тяшттнень перьфкя, ста няжа, кода и шить перьфкя, шары хть планетат, стама жа масторхт, кодама и минь мастороньке. Ся планетатнень лангса, наверна, эрай хть живой существат и теест тоже максси валда синьцень шисна, ко-нац тейнек, масторть лангста, няе-ви афоцю тяшттенякс.



Менельса тяшттне и телскоп.

Мезе сяда оцю— шись или тяшттня?

Тон, наверна, думандат, што шис сяда оцю. Но тя аф прокс виде. Виде, улихть тяштть, конат шиде ёмлатт, но улихть и стама гиганттка, конатнень ваксса минь шиньке-вельфь ёмла шариконя.

Фкя тяштть лангс-сонь лемоц Антарес-тяльги сяда миллионда ла ма шит. Кда тяфтама фкя тяштня араль ба шить вастс, то масторньке эстокигя кръвзельба сонь пици цельфонзон эзда. Вдь тя улель ба сембе сяка, кда ба сяда миллион шит фкя пингста макссельхть валда и лямбя.

Мес валдт планетатне?

Сембе планетатне, кода и минь планетаньке масторсь,—шовда шархт. Синь станя жа, кода и масторсь (Землясь), шарыхть шить перьфкя. Синь аш синьценъ валдсна. Планетатне лангс повондыхть шить цельфонза, и сяс синь тейнек няевихть валда тяшттекс. Планетатне



Тяфта няеви телескопонъ пачк ковть валдоптф палец.

ламода сяда маласот тяштнень ко ряс. Сембеда маласа тейнек Ковсь Ковть тожа аш соньценъ валдоц, сон тожа пользовандай шить валдонц мархта. Ковть лангса аш воздух и аш эряфка. Марс планетать лангса ули воздух, но сон тоса стама, кодама миньценонк вельф сери горатнень пряс. Марсть лангса сяда якшама чем Масторть лангса; тоса кржа ведьта и растениемок кальдявнят. Наверна, и Марсть лангсонга улихть кодама-кодама живой существат, конат тонадсть Марсть кяжи природанцы.



Шинь затмениять пингста телескопонъ пачк няевихть шить лангса толонъ кяльхть

Мзяра километрат масторть эзда—тяшттненьди?

Тяшттне сяскава ичкозет, што километраса и лувомска аш месь, пачк ни оцю цифрат тиеньдивмхть. Тейнек сембеда маластонъ тяштти пцтай кемень трилиотт километра.

Курьерской поездсь тяшка вастть могба ётамс аныцек 46 миллиотт кизоста. А улихть тяштть, конатнень валдсна пачкодъкшни мастору сядонъ миллиотт кизода меле.

Тон ванат кодама-кодама тѣштѣ
лангс, а сон пади лама-лама-кизо-
да ингели ни мадсь, а тон нинге
няйсак сонь валдонц.

сна минь сельмоньконь эса арси
акша полосакс.

Мезе стамсь каргонь кись?

Наверна, тон няеньдеть вень ме-
нельса акша туманнай поласат, ко-
нат шарфтыхть тьождя коволнянь
шири? Тя каргонь кись (Млечнай
путь). Тяфта теенза кармасть мярь
гома стариннай пингста, мзярда ду
мандасть, што кие-бди менельса
пяррьдсь лофца. Тяни кивок аф
кеми стама баснятненьди. Телеско-
понь пачк лац няеви, што Каргонь
кись ащи вельф лама башка тяш-
тенянь эзла.

Синь сяшкава ичкизе ащикть
минь эздонок, што синь валда-ши



Тяфта няеви Марс планетась телеско-
понь пачк.



ЗАДАЧА

Сявода 20 сардонят и
тиеда синь эздост 7 квад-
ратт. Тоса ёткстост сявода
колма сардонят станя, што-
ба лядольхть 5 квадратт.





Аф рана, аф позна, а обедшкада лиссь Екенесь ульцяв. Лиссь сон эшеньдемя ару кожфкяти. Цёрашкясь сон уряднайне. Щеканянза мазинят-мазинят, а сельменянза сенемнят. Теенза ниле кизонят, куя мокорьякс ащи.

Лиссь, корхтан, сон и арась кенькш лангонязост. Ичкези сон аф якай, пели алаша или машина тапасы.

Аф пяк ичкезе Екенетнень эзда эряй велень учительсь, Петр Петровичсь, конань ули сире сёрмав сявац.

Сявась кяжи, кода сире лавошник. Аньцек кие кармай дразямонза, а сон сянь пук! кучкорьдсьы.

И вов, фкя пингста Екенеть мархта сяваське лиссь учительть калдазстонза эшеньдемя. И кармась сявась, мярьгат нарошна, ётама Екенеть ингельганза. Ашезь кирьде цёранять сединаяц, кармась сявать мельганза ювадькшнемая:

— А коза-тияза! А коза-тияза!..

Сявась васеньда ашезь шарфта мяль пяле кяль Екенеть лангс, а аньцек ширемь сельмет варжакстсь лангозонза и меки тусь эсь киганза.


*) „Сявась и Екинесь“ лисеньдсь „Якстерь Галстук“ журналса 1933 к., но редакциять эзда лама ульсь тиф эльбядькста, а сяс печатлави омбоцеда.

Екенеть мяльсонзонга ашель ся, што сявать то-
жа улихть кяженза и дразямс сон аф эряви. Валгсь
креленьценяснон лангста и тусь сявать мельге ювадь-
кшнезь:

— А коза-тияза! А коза-тияза!..

Лоткась сявась фкя вастс, варжакстсь кафцке пя-
ли-оцю ломатть маласа аш и тусь саворне Екенеть
мельгя. Топ, топ, топ—моли сявась.

Ваны Екенесь, што сявась мельганза моли и тусь
ласькозь. Сявась меки мрдась. Екенесь няези, што
сявась мрдась и меки кармасть сявать мельге моле-
мя и ювадькшнемя:




Екенесь сявать кяжензон эса сафни.

— А коза—тияза! А коза—тияза! Суксу пула—
сельмезт тула!..

Састь сявать кяженза Екенеть лангс, сяшкава
састь нльня сельменза пизэлкс якстерьгодсть. Тусь
ардозь Екенеть мельге. Екенесь эздонза ворьгодсь
ласькозь, сонць пешкоды:

— Аляй!..

Сатозе сявась Екенеть и бзнофтозе пярмоти.
Екенесь прась пеконц лангс, а сявась кафцке ин-



Сяшкава люпштазе сявась нльня Екенеть сельме-ведьнянза кеворьсть.

гельце пильгонзон мархта стясь Екенеть лангозонза.

Ламос Екенесь гразьсесь сявать ала:

— Нойдамак, коза-тияза, мойян куду—азондтя-аязти!.

Но сявась коданга аф валги Екенеть лангста. Ащи сон Екенеть лангса и тарфты шаржу сакал-нянзон эса.

Шарьхкодсь Екенесь, што сявась сонь аф нолдасы, кда кармай нинге тразямонза и кармась энельдемя:

— Нойдамак, сява яйга, кайман ужайьдемот, кайман макссемя капста опанят...

Варжакстсь сявась весяланыста пильгалонза ащить лангс и нолдазе Екенеть. Стясь Екенесь, нардазень сельме-ведьнянзон и нинге весть мярьгсь:

— Октябеноконь вай теть максан—аф кайман тязямот оду вестенья!


Омбоце шиня лиссь Екенесь эшеньдемя, а сявась мярьгат—тясоль! Екенесь эсь валонц кирьдезе, лихтсь зепстонза капста лопаня и максозе сявати.

— На, сява яйгай!


И вов эстоньберя тyani сяшкава дружнаста эряйхть

Екенеть мархта сявась, што сяда дружнайста аш ков!
Екенесь аф дразяй сявать эса, а сявась аф кучкори
эсь оржа сюронзон мархта Екенеть эса.

Тяни Екенесь кармась якама идень саду и тостонь
ялганзондынге корхни, што сяватне дразямс аф эря-
вихть, а эрявихть ужяльдемс.



Тяни синь пях дружнайста эряйхть



Кода васедень Сталин ялгать мархта

**Кунцевскай школань ученицать—
ЛЕНИНА ВАРШАВСКАЯТЬ рассказы.**

Мрзяда аделавсь демонстрациясь, мон и нинге афлама шабат нежедемя мавзолейти и кармамя яфие-мост кяденькень,—тиеньдемя приветствият вождь-тненьди.

Ванан и Сталин яфии кяденц мархта, эстиенза монь эсон терьди. Мон шарфтонь и сурса няфтинь мяшьтезень: „Монь?“ Сталин пеедезевсь и люкадезде прянц. Мон ласьконь куцематнень ланга вяри. Куцень трибунать лангс и нежедень Сталинтти.

— Кода тонь лемце?

— Ленина.

— Молодец! Цебярь лемце.

Сталин кизефтемань монь, кода лемсна тярязень и алязень. Ся пингть площадьге йотась оркестр. Ворошилов мярьгсь: „Синь пароста морайхть, теест эрявихть цяпамс кяденьке.“ Мон ащень Сталинонь и Ворошиловонь ёткас и синь мархтост марса цяпань кядьнень эса.

Мзярда музыкась ётась, Сталин монь кизефтемань:

— Кода жа тон тяни куду туят?

Мон отвецянь, што суван тярязень сазоронц пяли, сяван кядьстонза ки квалмоньди ярмак.

— Мзяра жа тейть эряви ярмакта?—кизефтемань Сталин.

— Кемень трёшнект!—атвецянь мон.

Сталин вешеньдсь зепованза, но мезевок ашезь му и мярьгсь пеедезь:

— Тонь ули, Ворошилов ялгась?

Ворошилов лихтсь зепстонза каготкя и венепт-
езе тейнь.

Сяда меле минь марса кармамя валгома мавзо-
лейть лангста. Ки квалма Сталин няфтьсь Буденнайть
лангс и кизефтемань монь:

— Тя кие?

Мон отвецянь, што тя Буденнай ялгась. Сяда
меле сон кармась очередьса няфтнемя Ворошилов,
Молотов, Калинин ялгатнень лангс и кизефнесь эсон:
„Тя кие?“ Мон сембень содайна.

Сяда меле монь ускомазь Кунцевав, куду.

Тя васедемасть мон мзярдонга аф юкстаса.

Ленина Варшавская.

С. Маршак

Тонь шиця

Рананя мадомс.

Рананя стямс,—

Аф эряви школаса

Тейть нувамс.



Ведьта тят пель—

Шамацень штак.

Арак рядьти,

Эсь вастозт стяк.

Квака и стака

Ингеля шись-


Анокс тонь эсот

Лакаль вийсь.




Кудсононтт, ватта,


Тийфт ни тефне.




Тейть эрявихть штамс
 Эр шовдава пейхне.
 Эсь пингстонза ярхцак,
 Эсь пингстонза сиптя,
 Мянъ сиредемс кемя
 Ули тонъ вийця.
 Ярхцак тон савор,
 Топодемс кенерят.
 Тон аф акулат,
 Тон пионерат.



Школаса тонафнек,
 Работак отрядса.
 Тяк ваденьдя книгать
 Рудазу кядьса.




Тонафнек школаса,
 Тонафнек стройса,
 Тонафнек ладняс
 Тон мастерскойса.



Мадозь луват
 Сельметне колихть,
 Мадозь лувонтфне
 Прязт аф молихть.
 Рананя мадомс,
 Рананя стямс,—
 Аф эряви ашколаса
 Тейть нувмс.

Рузоннеста вольнайста
 Йотафгозе А. Карасев.



Содак мезе?

1. Шуркать ули атяц,
 А атянц ули унокоц
2. Сал, а аф салу,
 Фасоль, аф пиже.
3. Сембенди, кие сай,
 Сембеньди, кие туй,
 Кяденц макссесы.

4. Соньць ластя,
 А пильгонза пилензон фталот
5. Модать эзда менельти
 Ведень вельхкс.
6. Ульсь идь—ашесь содсе нулат,
 Арась атякс—
 Сяда нулат лангсонза.

Кода Иван оцязортъ венеценц салазе

(Народнай азкс)

Терьдезень атясь колмицке соньцень цёранзон
и кизефнесыня:

— Азк, Демьян, кда улельба тонь соньць-тюри
чьокмарьце,* мезе тиелеть тон сонь мархтонза?

— Офта шаволень ба, аляй, кеденц ваткалиня и
базарса милиня.

— Ну, няк, улемс тейть кедень ватксиекс. А
тон, Степа?

— А мон, аляй, сембе клокса тюрихнень велеса
сяськолиня ба.

— Ну, няк, улемс тейть клокса тюрикс. А тон,
Ивання?

— А мон, аляй, оцязортъ васцтонза ёрдали-
ня ба и народти воля максолень.

Кяжьясь аляц: „Ворьть монь кудстон, смутьян
окоянной!“

Моли Иван и думандай—кода ба сувамс дворцу
и саламс оцязортъ венеценц.

Мольсь дворцу и сиводьсь тувонь ваноме. Ванць
ши, ванць кафта, ётафтозь сонь усксиекс. Усксесь
ши, усксесь кафта—ётафтозь пидикс-паникс. Пидесь
ши, пидесь кафта—ётафтозь сонь оцязоронь ла-
кейкс. Макси Иван конакненьди ярхцамат д симмат,
а соньць оцязортъ стиренц лангс ванонды. Пачь-
кодсь теенза, а стирьсь и кизефнесы:

— Кода тонь лемце, лакей?

— Ков монь лемезе, оцязоронь стирь.

* Чьокмарь, цьотмар—дубина.

— Кодама цебярь лем!—ювадсь оцязоронь стирсь.

Пачькодсь Иван оцязор-авати, а сон кизефнесы:

— Кода тонь лемце, лакей?

— Копорь, оцязор-ава.

— Кодама бди аф ломанень лем!—пшкядсь оцязор-авась.

Пачькодсь Иван оцязорть эстиенза. Оцязорсь кизефнесы:

Кода тонь лемце, лакей?

— Шалхка лемезе, оцязор.

— Аф шарьхкодеви лем!—пшкядсь оцязорсь.

Сась весь. Сембе мадсть удома. Вень кучкать сргозьсь оцязоронь стирсь и нйсы, кода лакейсь сувась оцязоронь удома васттненьди. И кармась пеш-кодома оцязор-авати:

— Тярай, а тярай, минь удома вастсонок ковсь!

— Удок, удок, стирьняй, тя мезевок аш, тячи ковсь-целай.

А оцязоронь стирсь меки:

—Тярай, а тярай, ковсь ни нежедсь алязень пря пезонза!...

— Удок, удок, стирьняй, тя мезевок аш, тячи вдь ковсь целай.

А оцязоронь стирсь меки:

— Тярай, а тярай, ковсь алязень венеценц салазе!

— Удок, стирьняй, тянь тон онцтот нйсак.

Шовдава сргозьсть сембе и келептезь кургснон-юмась оцязорть венедец и лакейске юмась куляфтома.

Вельф кяжьясь оцязорсь, мярьгсь лихтемдост площади сембе вооруженной войскатнень.

Кяжьясь оцязор-авась, мярьгсь терьдемс омбоце площади сембе аватнень уфадснон, коцькаргаснон мархта.

Лиссь оцязорсь войскачнень ингели и кодак ювади.

— Эй, солдатт, ёратада оцязорти служамда?
Кундасть шалхкть, д тясть ноля!

Солдаттне ёрязь ружьяснон, палажснон и кундсезь эсь шалхкснон.

А оцязор-авась лиссь аватнень ингели и корхтай:

— Эй, ават, ёратада оцязор-авати угадямдонза?

Пиксость копорьть мезе ули виеньтте.

Аватне кармасть пиксомост эсь копорьснон, мезе ули вийсна.

А Иван ёрдазе венець Чернай моряв. Куцсь сембеда оцю тумоть пряс, д кодак ювади:


— Эй, солдатт, ёньденонт штоли лиседе, мезе тинь тиеньдтяда? Эй, ават, сргозеда, кинь эса тинь пикстада?

Варжакстсть солдатне, варжакстсть аватневок, што оцязорть пряса венец аш,— фатнезь ружьятнень, уфадтнень, и коцькаргатнень и панезь оцязорть оцязор-авать мархта эсь модасняснон лангста.

Рузоннеста мокшекс йотафтозе Виард



АЛЕКСАНДР СЕРГЕЕВИЧ ПУШКИН классик-поэт.
Сонь улихть лама ёфксонза, конатнень эзда фкясь—
ёфкс „Калонь кундсить и кальнять колга“—ульсь пе-
чатлаф „Якстерь галстукса“ 1934 кизоня.



742

Питьең 20 тр.

Редакциять адресоц:
г. Саранск, улица Ленина, дом 9,
редакция детского журнала
„ЯКСТЕРЬ ГАЛСТУК“